



VViprandus ex illustri comitum de Aldenburg familia natus fuit. Vnde à parentibus in omni genere literarum institutus fuit. Cum itaque mirum in modum in studijs & uirtutibus profecisset, Canonicus Paderbornensis constitutus fuit. Ibi magna pietate Ecclesiæ inseruiuit, atque uoti causa Hierosolymam profectus est, Cum reuersus esset, atque eius loci præsul decessisset, ipse uicesimus primus Episcopus electus fuit. Eo tempore Canonorum omnia erant communia, qui unà habitantes & cibum sumentes instar fratrum uiuebant, & Deum laudibus celebrabant. Verùm eius successor Bernhar-

duſ Canonicos eo in loco primus seiunxit, atque ob rerum affluentiam unicuique suam habitationem & redditus assignauit. Id quod prius hic Vviprandus aliquoties interpellatus recusarat.